

放光般若波羅蜜經

籍

卷二十

六十二  
重十

47407



元祿九年丙子二月日重脩

皇圖永固 帝階頌昌

佛日增輝 機輪常轉

山城州天安寺法金剛院置



放光般若波羅蜜經卷第二十

西晉三藏無羅叉共竺叔蘭譯

夢中行品第五十九



尔時舍利弗語須菩提菩薩於夢中行三事  
三昧空無相無願於夢中行是寧有益於般  
若波羅蜜不須菩提報舍利弗言若於晝日  
有益於般若波羅蜜者夜夢中亦當獲有益  
所以者何晝夜夢中等無異舍利弗菩薩行  
般若波羅蜜若有般若波羅蜜者於夢中便  
當念般若波羅蜜舍利弗語須菩提若菩薩  
於夢中有所作寧有所成受不如佛所言諸  
法如夢是故無所成無所受何以故夢中初





不見有法有所成者有所受者亦無所得若  
夢覺已寧有所得不須菩提言若於夢中有  
所害殺言我殺是快耶覺已念夢中所作是  
云何舍利弗言皆有因緣無因緣終不起須  
菩提言如是如是事有因緣有緣有念有念  
有事事重從聞見便有覺意便有著斷不從不  
聞不見而有緣起是故舍利弗以因緣故有  
事起有念生舍利弗言云何須菩提所念所  
作佛言皆寂云何所作有緣有起有所成受  
須菩提言起想便有因緣有緣便有事有事  
便有念舍利弗言若菩薩於夢中行六波羅  
蜜持是功德念欲為阿耨多羅三耶三菩是



為有所施作不須菩提言今彌勒菩薩摩訶  
薩為世尊所記在是可問彌勒能解當從其  
問舍利弗白彌勒言我所問者須菩提言彌  
勒能解今仁者當為我等解是時彌勒語舍  
利弗言卿等欲使我當以名以色以痛想行  
識而發遺耶當以何事而解脫乎當以色空  
而發遺耶當以痛想行識空而發遺乎色空  
亦無能發遺痛想行識空亦無所發遺我初  
不見法有能發遺法者亦無有受記別受阿  
耨多羅三耶三菩者亦無受別處者是法都  
無有二舍利弗言如仁者所說為得證也彌  
勒答言雖作是說我亦不得證舍利弗意念

彌勒菩薩辨才深入於六波羅蜜中種種發  
遺而無所倚佛告舍利弗汝頗見是法得羅  
漢證者不舍利弗言世尊不見是法有得證  
者佛言菩薩行般若波羅蜜亦不念言是法  
已受蒞是法當受蒞得阿耨多羅三耶三菩  
者菩薩重作是行為行般若波羅蜜亦二不有疑  
放光般若波羅蜜經云  
我當得阿惟三佛亦不疑不得復次須菩提  
菩薩行檀波羅蜜時若見有衆生有飢渴者  
衣不蓋形孤貧窮厄不能自存者當起大哀  
願我得阿耨多羅三耶三菩阿惟三佛時使  
我境界無有是輩困苦之類使我佛土所有  
衣服飲食之具如四天上如忉利天第六是

王所有飲食衣服自然湏菩提菩薩作是行  
者便為具足檀波羅蜜復次湏菩提菩薩行  
尸波羅蜜若見衆生有不慈意殘殺衆命邪  
見疑網犯十惡者見有短命多病少威醜無  
顏色形殘羸劣極下賤者起大悲意使我奉  
行尸波羅蜜我得佛時使我境內無有是輩  
菩薩如是為具足戒得阿惟三佛不久湏  
菩提菩薩行羸波羅蜜時若見衆生有瞋恚  
意捶杖刀矛瓦石相加相傷殺者起大願言  
我當行忍至得佛時令我境內無有是輩諸  
惡事者我作佛時令我國土中一切衆生皆  
同慈意和志相視如父如母若兄若弟相向



無害菩薩作是行者為具足忍疾得阿惟三  
佛不久復次須菩提菩薩行惟逮波羅蜜時  
若見衆生於三乘法起相懸怠無精進者復  
起大願我當自勉精進不憊我得佛時令我  
國中衆生精進於三乘法各得度脫菩薩如  
是為具足精進疾得阿惟三佛不久復次須  
重菩提菩薩行放光般若波羅蜜經中禪波羅蜜時若見衆生行五蓋  
事一者姪妹二者瞋恚三者睡卧四者調戲  
五者疑罔離於四禪離四空定者起大意願  
令我常當行禪波羅蜜教化衆生淨佛國土  
我得佛時令我國土一切衆生無亂志者菩  
薩如是為具足禪疾得阿惟三佛不久復次

須菩提菩薩行般若波羅蜜時若見衆生有  
犯惡者若俗若道離正見者行無道之事者  
言無報者言便斷者言有衆生者作是見已  
起大願言我當勲力行六波羅蜜淨佛國土  
教化衆生我作佛時令我國中無有是輩邪  
見之事菩薩如是為具足般若波羅蜜疾近  
薩云然復次須菩提菩薩行六波羅蜜時若  
見衆生在於三際一者直見際二者邪見際  
三者亦不在邪亦不在正見際是以我當勲  
力行六波羅蜜教化衆生淨佛國土我作佛  
時令我國人不見邪見不聞邪見之聲菩薩  
如是是為具足六波羅蜜疾近薩云然復次

須菩提菩薩行。六波羅蜜時若見泥犁薜荔  
畜生蠕動之類當發大慈我當勸力行六波  
羅蜜我作佛時令我國中不聞有三惡道之  
名菩薩如是具足六波羅蜜疾近薩云然復  
次須菩提菩薩行六波羅蜜時若見大地山  
陵溝坑荆棘草木不淨穢惡發普願言我當  
勸力行六波羅蜜我得佛時令我國土皆平  
如掌令我國人不見諸穢菩薩如是為具足  
六波羅蜜疾近薩云然復次須菩提菩薩行  
六波羅蜜時若見大地無有金寶但溥以上  
發意願言我當勸力行六波羅蜜我得佛時  
令我土地從下際以上溥以黃金為地菩薩

重

敬光般若波羅蜜經

四



如是為具足六波羅蜜疾近薩云然復次須  
菩提菩薩行六波羅蜜時若見衆生有所戀  
著者發是願言我當勲力行六波羅蜜我作  
佛時令我國人莫有所戀著菩薩如是為具  
足六波羅蜜疾近薩云然復次須菩提菩薩  
行六波羅蜜時若見四姓剎利梵志田家工  
師長吏將師發意願言我當勲力行六波羅  
蜜教化衆生淨佛國土我作佛時令我國中  
無有四姓淳以一姓菩薩如是為具足六波  
羅蜜疾近薩云然復次須菩提菩薩行六波  
羅蜜時若見衆生有上中下家者復發願言  
我當勲力行六波羅蜜教化衆生淨佛國土

我作佛時令我國中一切衆生無是優劣有  
上中下菩薩如是為具足六波羅蜜疾近薩  
云然後次須菩提菩薩行六波羅蜜時若見  
衆生有種種色發意願言我當勲力行六波  
羅蜜教化衆生淨佛國土我作佛時令我國  
人無若于色皆悉端正得第一色菩薩如是  
重  
放光般若波羅蜜經中  
為具足六波羅蜜疾近薩云然後次須菩提  
菩薩行六波羅蜜時若見國主發意願言我  
當勤力行六波羅蜜教化衆生淨佛國土我  
作佛時令我國土無有王者之号但以如來  
無所著等正覺以為法王菩薩如是為具足  
六波羅蜜疾近薩云然後次須菩提菩薩行

六波羅蜜時若見五趣之行發意願言我當  
懃力行六波羅蜜教化衆生淨佛國土我作  
佛時使我國人皆令魚有五趣之行等以三  
十七品為行菩薩如是為具足六波羅蜜疾  
近薩云然後次須菩提菩薩行六波羅蜜時  
見四種生卵生濕生胎生化生發意願言我  
當懃力行六波羅蜜教化衆生淨佛國土我  
作佛時令我國中魚有三生等一化生菩薩  
如是為具足六波羅蜜疾近薩云然後次須  
菩提菩薩行六波羅蜜時見諸衆生魚有五  
通魚有光明復發願言我作佛時令我國中  
盡得五通皆有光明遠有所照菩薩行六波



羅蜜時若見衆生有大小便利發意願言我  
作佛時令我國人等如天身無復便利之患  
菩薩行六波羅蜜時發大願言我作佛時令  
我國土無有一日一月一歲十歲都無此數  
菩薩行六波羅蜜時若見衆生短命發大願  
言我作佛時令我國中人壽命極長六魚有限  
重數菩薩如是便具足六波羅蜜成阿耨多羅  
三耶三菩阿惟三佛菩薩行六波羅蜜時若  
見衆生無有相者發大願言我當勤力行六  
波羅蜜我作佛時令我國人普得具足三十  
二大人之相菩薩如是為具足六波羅蜜疾  
近薩云然菩薩行六波羅蜜時若見衆生無

有善本我成阿惟三佛時令我國人具足善  
本等如如來無所著等正覺作是念者具足  
六度疾近薩云然復次須菩提菩薩行六波  
羅蜜時言我當勤力疾成阿耨多羅三耶三  
菩令我國中無有三垢四病菩薩如是為具  
足六波羅蜜疾近薩云然復次須菩提菩薩  
行六波羅蜜時言我當勤力疾成阿耨多羅  
三耶三菩我作佛時使我國中無有二道之  
名普等至薩云然復次須菩提菩薩行六波  
羅蜜成阿惟三佛使我國土中不聞頑佞之  
名須菩提菩薩行六波羅蜜當作是念我未  
便成阿惟三佛先當知我壽命光明比丘僧

數然後乃成阿惟三佛一切無有能知我年  
壽劫數比丘數者菩薩如是為具足六波羅  
蜜疾近薩云然復次須菩提菩薩行六波羅  
蜜作如是念言我作佛時令我一國大如恒  
邊佛沙國菩薩如是為具足阿耨多羅三耶  
三菩疾近薩云然復次須菩提菩薩行六波  
重  
放光般若波羅蜜經  
羅蜜當作是願生死道長衆生甚多虛空無  
邊衆生之性亦無有邊於中亦無生者亦無  
泥洹者如是念者為具足六波羅蜜疾近薩  
云然

放光般若波羅蜜經恒加調品第六十

尔時坐中有一女人名恒加調從坐起整衣



服為佛作禮長跪叉手白佛言我亦當奉行  
六波羅蜜攝取佛國如世尊說般若波羅蜜  
事是女人嘆佛已以金銀花及水陸花著身  
纓絡金色之疊而以散佛當頭上化成四柱  
寶交露臺嚴事淨如是未曾有是女人言持  
是功德施與衆生皆共發阿耨多羅三耶三  
菩尔時世尊知女人意便笑如諸佛法若于  
色光從口中出遍照諸十方無央數佛刹遠  
身三帀還從頂入時阿難從坐起整衣服長  
跪叉手白佛佛何因笑願聞笑意佛告阿難  
是恒加調第當來之世當作佛号名金華如  
來無所著等正覺畢女人身受男子秋後當

生於妙樂佛國於彼國修梵行是菩薩摩訶  
薩在所生國常有金華名号於彼刹盡其壽  
普遊諸國從一佛至一佛不離諸佛阿難譬  
如轉輪聖王從一觀至一觀從三至竟足不  
蹈地是金華菩薩亦復如是至成阿惟三佛  
未曾不見佛時阿難意念是金華菩薩後作  
重  
放光般若波羅蜜經文  
佛時諸會菩薩為是佛會佛知阿難意之所  
念告阿難言如是如是當知彼時菩薩會者  
是為佛會彼比丘僧甚多不可計不可以千  
數萬數億數無有限量阿難是金華菩薩成  
如來無所著等正覺時其國土所有一切象  
應諸不善事悉皆無有如向所說般若波羅

蜜淨妙國土等無有異阿難白佛言世尊是  
第從何佛以來殖功德本佛告阿難是第乃  
從提想竭羅如來無所著等正覺所始發尊  
意亦復以金花散提想竭佛散彼佛時意亦  
願言持是功德成阿耨多羅三耶三菩如我  
以五華散提想竭羅佛上發阿耨多羅三耶  
三菩於時彼佛知我功德具足便記我阿耨  
多羅三耶三菩前是金華菩薩尔時見我受  
記便發願言我亦當受前如是菩薩受前阿  
難是金華菩薩乃從提想竭羅初始發意阿  
難白佛言世尊是女人以辨阿耨多羅三耶  
三菩佛告阿難如是如是是第以為成辨阿



轉多羅三耶三菩阿惟三佛

放光般若波羅蜜經問相行願品第六十一

須菩提白佛言世尊菩薩摩訶薩行般若波

羅蜜云何行空三昧無相三昧無願三昧當

云何入當云何行當云何行三十七品當云

何念佛告須菩提菩薩摩訶薩行般若波羅

蜜重觀五陰空乃至欲界色無色界九觀空當作

是觀意而不亂於諸法無所見適無所見於

諸法不作證何以故善學於空法故至於得

證亦不斷諸法不決定於諸法所得證亦

不見證亦不見是法須菩提白佛言世尊云

何如佛所說菩薩不於空法取證云何住空

而復取證佛告須菩提觀空具足無所乏短  
亦不念言我當受證是亦非證菩薩之法所  
應所行不以證為期但以行為期菩薩亦不  
定意亦不有所而係意於三十七品而不耗  
減亦不受漏盡之證何以故菩薩摩訶薩以  
具足於深妙之法故何以故菩薩已住於三  
十七品作如是言是為行時非為證時菩薩  
行般若波羅蜜當作是觀言今正是行五波  
羅蜜時非是證時今正是行三十七品時非  
是證時今正是行三三昧時行十種力四等  
大慈大悲是行薩云若時非是須陀洹羅漢  
辟支佛道證時須菩提菩薩行般若波羅蜜

因三三昧行空無相無願三昧因三十七品  
行根力覺意法亦不取證因三十七品而行  
作行不受聲聞證須菩提譬如士夫端正勇  
健猛於兵法堅持鎧杖具足悉曉六十四能  
皆明諸術衆人無不愛敬者所作事物無不  
成辨見衆敬恃倍復歡喜若以化事當有所  
至道過厄難危險之處多有怨憎彼怨家者  
亦復勇猛所將群從父母大小莫不驚怖時  
勇猛者安隱父母慰諸群從言莫有恐畏我  
有術能無所乏短自當得脫此諸厄難既得  
脫難降伏怨敵而無所害以至所在安隱父  
母群從莫不歡喜所以者何用是男子勇健

重

放光般若波羅蜜經

十



雄猛具足諸術無乏短故佛告須菩提菩薩  
以四等意慈悲喜護為衆生故具足六度未  
得漏盡開薩云若之大徑路以住於空無相  
無願亦不以空無相無願隨至為證具足不  
隨羅漢辟支佛地譬如衆鳥飛行空中而不  
墮地亦不住空菩薩如是行空無相無願三  
昧而不取證度於羅漢辟支佛地悉當具足  
佛十種力四無所畏及十八法薩云然慧終  
不取證須菩提譬如士夫壯勇多力善於射  
術仰射虛空尋以後箭射於前箭箭箭相拄  
不得令箭有墮地者意欲令墮便止後箭不  
復射者尔乃墮耳須菩提菩薩摩訶薩行般

若波羅蜜為漚起拘舍羅所持殖諸功德具  
足一切衆善之本一事不具終不中道取證  
至成阿耨多羅三耶三菩阿惟三佛功德具  
足尔乃於真際作證是故須菩提菩薩行般  
若波羅蜜當具足是上諸法須菩提白佛言  
世尊菩薩學是謙苦甚難作是學者為學真  
重  
放光般若波羅蜜經  
際是為學如為學法性為學本空為學自空  
為學三脫如是所學而不中道有厭世尊大  
哉甚奇甚特佛告須菩提所以者何菩薩有  
願志不捨一切衆生故須菩提菩薩若有意  
不捨衆生盡當度脫一切衆生於無端緒之  
法出生三脫門當知是為漚起拘舍羅菩薩



要當成薩云若慧終不中道真際取證復次  
須菩提菩薩欲得觀知諸深法處者內空外  
空及有無空三十七品及三脫門當作是念  
一切衆生長夜常有我想人想有壽命想有  
見知想所念所作皆依是想是故菩薩摩訶  
薩普見衆生有是輩想欲為衆生除是念想  
成阿耨多羅三耶三菩而為說法行空三昧  
無相無願雖作是行終不中道取羅漢辟支  
佛證須菩提用是菩薩有是願故功德具足  
故亦不中道取證不失四禪不失四等及四  
空定不失三十七品法及三脫門四無所畏  
四無礙慧不失十力及十八法便得具足諸



所有之法終不失阿耨多羅三耶三菩諸有  
菩薩為漚起拘舍羅所護持者具足功德善  
法轉增諸根通利過於羅漢辟支佛根復次  
須菩提菩薩常念衆生行四顛倒有常想有  
淨想有樂想有我想當為是輩我當行道成  
阿惟三佛時當為說法為說無常為說不淨  
重  
放光般若波羅蜜經  
無樂無我菩薩如是意行具足者是為漚起  
拘舍羅行般若波羅蜜悉當具足十力四無  
所畏大悲四等三十七品無願三昧然後乃  
當坐佛三昧真際取證菩薩作是念言一切  
衆生常有倚著常著吾我著於壽命著於五  
陰著於六衰著於十八法著於四禪著於四

空定著於四等我成阿耨多羅三耶三菩阿  
惟三佛時當使衆生皆無有是倚著之病持  
是意行以漚起拘舍羅行般若波羅蜜未具  
足十力四無所畏四無礙慧無願三昧終不  
中道取證具足諸願尔乃取證復次須菩提  
菩薩行般若波羅蜜意復念言衆生長夜常  
著想行或想念男女有色無色想我當懃行  
成阿耨多羅三耶三菩時令我衆生無想著  
病以具足是念以漚起拘舍羅行般若波羅  
蜜十力不具足及四無所畏佛十八法未具  
足者終不取證成諸功德具足無相三昧尔  
乃取證須菩提菩薩行六波羅蜜內空外空



及有無空三十七品佛十八法具足是行不  
與三界共同行也須菩提菩薩行是三十七  
品行三十七品已當問言菩薩云何欲得阿  
耨多羅三耶三菩不以空為證以覺真際得  
須陀洹斯陀含阿那含阿羅漢辟支佛道亦  
不證無相無願亦不證滅亦不證所作亦不  
重證所生亦不證無所有而念般若十三若波羅蜜須  
菩提若有菩薩問諸菩薩若聞說空則當念  
空若聞無相無願當念無相無願若聞無所  
作當念無所作聞無所生無所有當念無所  
生無所有但當行空三十七品不行無相不  
行無願不行無所作亦不行無所生須菩提



當知是菩薩未受記前未從諸佛受記前何以故阿惟越致菩薩亦不作是念亦不作是行亦不作是說亦不作是想但行阿惟越致菩薩事但念是事但行但說但想是事須菩提當知是菩薩已過諸地如阿惟越致地以過阿惟越致地須菩提白佛言世尊是菩薩為得阿惟越致不佛言若有菩薩聞六波羅蜜若不聞所作行事如阿惟越致菩薩須菩提白佛言多有人行佛道者少有如阿惟越致菩薩所行者何以故少有菩薩受阿惟越致慧地記前受阿惟越致菩薩前者為已遠離上諸想著不具足事是菩薩摩訶薩諸天

世間人無能及者

放光般若波羅蜜經阿惟越致相第六十二

佛告須菩提菩薩夢中不近羅漢辟支佛地

亦不近三界亦不壞三界亦不起意視諸法

如夢如響如幻如熱時焰視諸法如化而不

作證須菩提是菩薩摩訶薩是為阿惟越致

重

放光般若波羅蜜經

十四

相復次須菩提菩薩夢中見佛與若干百千

不可計數四輩之象圍遶說法從佛聞法即

解中義所作常不離法所說不失法則須菩

提當知是為阿惟越致相復次須菩提菩薩

夢中見佛如來踊在虛空身有三十二相八

十種好變化神通為比丘僧說法變化使人

詣化佛土施作佛事須菩提是為阿惟越致  
相復次須菩提菩薩夢中見郡縣兵起相殺  
若有火災若見虎狼師子毒虫諸恐畏之事  
憂悲苦惱若見飢餓若見喪失父母兄弟親  
友知識夢見是已不恐不怖於夢覺已便作  
念言三界所有皆如夢耳我當精進成阿惟  
三佛已當為三界衆生說法須菩提是為阿  
惟越致相佛告須菩提一切人盡當云何知  
是菩薩成阿耨多羅三耶三菩須菩提菩薩  
若見泥犂犍會獸三惡趣中諸懃苦者當  
發願言我當成阿惟三佛時使我國中無有  
三惡趣何以故夢中所有及一切諸法一法



無有二當知是為阿惟越致相復次須菩提  
菩薩夢中見泥犁中火燒湯煮覺已念言我  
於夢中所見形像及其災變若於夢中自見  
阿惟越致相便作誓言如我所見泥犁中火  
即當滅去若火滅湯冷當知是菩薩以受記  
別當成阿耨多羅三耶三菩是為阿惟越致  
重  
放燒般若波羅經  
相若是火焰燒一家至一家燒一里至一里  
或燒一家不燒一家或燒一里不燒一里中  
有為火所燒者當知被燒家人斷法所致皆  
是斷法餘殃從是以來斷法餘殃悉畢是為  
罪滅福生是為阿惟越致相佛告須菩提今  
我當說阿惟越致像貌相行若有男子女人

為鬼神所持是菩薩便作是念過去諸佛如  
來無所著等正覺審授我剎者所作願行清  
淨無穢不應墮羅漢辟支佛地亦無羅漢辟  
支佛念當成阿惟三佛者亦不成亦不成  
假令諸十方現在諸如來無所著等正覺無  
所不知無所不見無所不覺諸佛知我必當  
成阿耨多羅三耶三菩者是鬼神當去若是  
鬼神不去者當知是菩薩不從過去諸佛受  
其記剎須菩提若是菩薩為說經已鬼神即  
為去當知是菩薩以後諸如來無所著等正  
覺受記剎已須菩提以是像貌相行具足是  
為阿惟越致相復次須菩提菩薩行六波羅

蜜離漚愁拘舍羅未行三十七品及三脫門  
未逮菩薩位未得菩薩三昧處亦不從過去  
諸佛受勦是菩薩往至是男子女人所復言  
我審受勦當為阿耨多羅三耶三菩者是鬼  
神當去鬼神不為去是菩薩故為說經法不  
止者時魔波旬往至彼所波旬念言我當令  
重鬼神去所以者何波旬有滅神勝是鬼神時  
故免般若波羅蜜經注  
彼波旬便勦鬼神令去是菩薩不知波旬令  
鬼神去喜言鬼神用我故去便自貢高輕蔑  
餘人語他人言我已從過去諸佛受勦已其  
餘人皆未受勦用是貢高輕易人故離薩云  
然不得如來無所著等正覺之智慧用是貢



高失漚起拘舍羅便墮二地羅漢辟支佛地  
用至誠誓故便起魔事遠離真知識墮魔羅  
網何以故不行六波羅蜜不持漚起拘舍羅  
故須菩提當知是菩薩為自作魔事佛告須  
菩提菩薩未行六波羅蜜未得漚起拘舍羅  
未逮菩薩位以魔事故波旬復來至菩薩所  
作異被服語菩薩言善男子如來已授卿前  
當為阿耨多羅三耶三菩卿父母字某卿兄  
弟妹姊字某卿朋友知識親族字某卿十世  
父母字某卿從某國某縣某村落生若見菩  
薩體行和順卿前世時亦復柔爽若見才朗  
若見行沙門十二法若見節言波旬隨形護

菩薩言卿前世時皆有是行卿前世時亦  
此十二法彼菩薩聞魔語說先世事復自觀  
所作行倍復貢高輕於同學魔重語言過去  
如來已授卿前如卿所作功德不復轉還波  
旬或作比丘形像或作父母或作迦羅越形  
像而來言卿必當成阿耨多羅三耶三菩所  
以者何卿盡有阿惟越致相行具足故佛告  
須菩提我所說阿惟越致像貌相行彼菩薩  
獲無是相當知是菩薩為魔所使以聞是名  
譽貢高自可輕易同學形笑他人無所復錄  
用貢高故是為魔事復次須菩提菩薩於魔  
因緣當覺魔事何以故是菩薩不行六波羅

重一放免般若波羅蜜經中

十七



蜜故不知魔事如不知五陰如彼菩薩用不  
覺魔事聞前比丘說其記前今復聞是記前  
名字意中歡喜便自念言以是證像我今定  
當得阿耨多羅三耶三菩提益復貢高輕易他  
人呼無所知是菩薩無有阿惟越致相便遠  
離般若波羅蜜漚起拘舍羅失阿耨多羅三  
耶三菩提智遠離真知識更得惡知識當知是  
菩薩終不成就墮二道地若後久遠更諸勤  
苦生死極遠乃當復得真知識得聞般若波  
羅蜜尔乃悔本所著受字用是悔故乃得羅  
漢辟支佛譬如比丘犯四事禁現世不能得  
成四道須菩提是彼菩薩其罪重於四事之



禁用受名字著真高故置是罪事其有犯是  
真高受字受為号者其罪過於五逆須菩提  
若有名字受想著者急當護魔覺微因緣後  
次須菩提波旬復往至菩薩所讚嘆遠離說  
其功德如卿所行佛所稱譽正當如是須菩  
提如我所說菩薩遠離之法不尔若在山間  
重樹下獨處寂無人中未必是為遠離之法須  
放免般若波羅蜜經菩提白佛言何等為菩薩異遠離佛告須菩  
提菩薩遠離寂於聲聞辟支佛念寂於山間  
樹下獨處念須菩提菩薩如是是為大遠離  
之法菩薩如是當晝夜行是為菩薩寂然遠  
離若在人間隨我寂教者雖在城傍為與山

澤等無有異若受魔教便亡遠離墮於羅漢  
辟支佛地不應般若波羅蜜不具足薩云然  
事作是行念者非是清淨之法雜猥羅漢  
支佛意更反形笑輕易人間清淨行者人間  
行者亦不雜猥羅漢辟支佛意反更輕易之  
亦復輕易得禪惟無三昧者輕易得神通者  
菩薩無漚起拘舍羅者雖在絕曠百俞旬外  
億千萬歲禽獸飛鳥所不至處鬼神盜賊所  
不至處雖久在中不知菩薩遠離之法會無  
所益受波旬教行遠離者不樂我所教遠離  
也亦復不能具足遠離之法亦復不在遠離  
法中何以故以去是遠離法遠故適去是遠



離法遠已時魔波旬在虛空中歎言善哉善哉善男子是為佛之所說是真遠離法汝行是遠離法可疾得阿耨多羅三耶三菩彼妄遠離菩薩得是讚嘆已便歡喜貢高輕易是真遠離者反誹謗言是為憤乎謂為不淨憤鬧志亂有不淨者反呼為淨不應敬者更敬之應所敬者更輕慢之何以故我為諸天及人非人所見勸助恭敬我所行者真為是人於城汝在城傍誰當來恭敬讚歎汝者是人於城傍善男子善女人求菩薩道者於前貢高言諸天來語我當得道時曰數須菩提當知是貢高菩薩輩如旃陀羅旃陀羅者晉言主然

重

放光般若波羅蜜經

十九



人獄卒是輩之人在諸菩薩中為大瑕病是  
為倚法像如菩薩是為天上人中之大賊亦  
復是沙門像法之中為大賊復是善男子善  
女人之中大賊如是輩人不當與共從事亦  
不當與相見坐起語言飲食何以故是輩之  
人貢高頑很故若有菩薩不欲捨薩云然不  
欲捨阿耨多羅三耶三菩者莊事欲得求阿  
惟三佛者欲救一切衆生者當遠離是輩之  
人不當與共從事自修其行莫與往來常當  
有厭意於世間不當受三界之樂常當慈哀  
加於衆生當為是輩倒見之人起大悲意當  
自念言令我世世莫有是遭非法之事若有

是意疾令滅之須菩提當知是輩菩薩自起  
神通復次須菩提若有菩薩至說莊事求阿  
耨多羅三耶三菩者當與真知識從事須菩  
提白佛言何等為菩薩真知識佛告須菩提  
諸佛世尊是菩薩真知識諸菩薩摩訶薩亦  
是菩薩真知識諸弟子象亦是真知識當知  
真是為菩薩真知識放光般若波羅蜜經真知識者常為菩薩解說  
般若波羅蜜分別其事六波羅蜜三十七品  
佛十八法如真際法性是為菩薩真知識也  
六波羅蜜者是世多羅六波羅蜜者是道六  
波羅蜜者是大明六波羅蜜者是為大炬六  
波羅蜜者是大智光明六波羅蜜者是護六



波羅蜜者是歸六波羅蜜者是父是母六波  
羅蜜者是三十七品六波羅蜜者是薩云然  
六波羅蜜者除人諸習緒何以故須菩提三  
十七品者是過去當來今現在十方諸佛之  
母何以故去來今諸如來無所著等正覺皆  
從三十七品中出生故是故須菩提菩薩欲  
成阿耨多羅三耶三菩淨佛國土教化衆生  
者當以四事饒益受衆生一者施二者愛三  
者利四者同義以是四恩事益於衆生須菩  
提我觀是義故說是事三十七品者則是菩  
薩摩訶薩父母則為是舍是則為護是則為  
燈明須菩提菩薩不欲隨他人教住者欲斷



一切衆生狐疑者欲淨佛國教化衆生者當  
學般若波羅蜜何以故般若波羅蜜者廣說  
菩薩之行是諸菩薩所應當學者須菩提白  
佛言何等為般若波羅蜜相佛言般若波羅  
蜜如虛空相亦非相亦不作相須菩提言世  
尊頗有因緣可知般若波羅蜜相不以相知  
重諸法不佛言如是須菩提欲知般若波羅蜜  
放光般若波羅蜜經相如諸法相何以故諸法寂故諸法常淨故  
以是故須菩提般若波羅蜜相則諸法之相  
以空寂故須菩提白佛言世尊若諸法寂若  
諸法空云何知諸法有著有斷空之寂亦不  
斷亦不著亦不成阿耨多羅三耶三菩於空

寂中亦不有法於空寂中亦不見得阿惟三  
佛者世尊我等云何當知是義佛告須菩提  
衆生長夜著吾我行須菩提言尔世尊衆生  
長夜著吾我行佛言云何為知吾我空寂不  
須菩提言尔世尊須菩提知衆生以吾我故  
久在生死不須菩提言尔世尊以衆生著吾  
我故久在世間更受懃苦便知有著須菩提  
無吾無我無有受者亦不久在世間亦不久  
受懃苦亦不著便不斲須菩提白佛言世尊  
菩薩作如是行者不於五陰行亦不於三十  
七品作行亦不行四無礙慧何以故不見有  
法有可行者亦不見法當可行者菩薩如是



行者諸天世人無能動者無能伏者羅漢辟  
支佛無能及者何以故所住處無有能逮故  
世尊行薩云然菩薩所住無有能及者菩薩  
如是疾近薩云然佛言於須菩提意云何閻  
浮提衆生盡得人道已皆為阿耨多羅三耶  
三菩若有善男子善女人供養兼事盡其壽  
重  
放光般若波羅蜜經法  
命持是供養之福施為阿耨多羅三耶三菩  
是善男子善女人其福寧多不須菩提言世  
尊甚多甚多佛言不如是善男子善女人持  
般若波羅蜜教人具足為說解其中慧意不  
遠離應薩云然念乃至三千大千國土衆生  
皆得為人若有善男子善女人皆教使行十



善地立於四禪四等及四空定又立於須陀  
洎斯陀舍阿那舍阿羅漢辟支佛阿耨多羅  
三耶三菩持是功德施為阿耨多羅三耶三  
菩是善男子善女人功德寧多不須菩提言  
世尊甚多甚多佛言不如是善男子善女人  
持般若波羅蜜宣示地人具足為說解其中  
慧意不遠離薩云然念者出於賢聖之表阿  
以故除如來無所著等正覺唯當有是菩薩  
摩訶薩何以故以是善男子善女人行般若  
波羅蜜有大慈行故行般若波羅蜜見諸衆  
生趣死地故便起大悲以是行故便得大護  
不與想俱便得大喜具足四等須菩提是為

菩薩大智之明大智明者則六波羅蜜明是  
是善男子善女人雖未得道為一切衆生作  
救於阿耨多羅三耶三菩不動還所受供養  
衣服飲食牀卧醫藥一切珍寶以行般若波  
羅蜜故必報衆生信施之福疾近薩云然頌

若提若不欲癡妄受人施者若欲示衆生之

重

放光般若波羅蜜經

十三

道徑者若欲解魚所有者若欲度脫牢獄中

人者若欲與一切衆生眼者身所行當應般

若波羅蜜有所語言亦當應般若波羅蜜意

應般若波羅蜜者他餘之意亦不得其便當

作方便晝夜念般若波羅蜜莫有斷絕須菩

提譬如士夫曾得摩尼寶後復得之歡喜



踴躍後復失之失是寶已其大愁憂。想是  
摩尼寶坐起無忘不離須更自念我云何歎  
亡此大寶佛告須菩提菩薩離於薩云然念  
亦如彼人失大珍寶坐起不忘須臾之間須  
菩提白佛言云何世尊一切諸念無有止處  
皆空皆寂云何菩薩不離薩云然念亦不從  
離中亦不從念中可得菩薩亦不從薩云然  
中可得菩薩佛告須菩提若有菩薩知諸法  
自遠離法性常住道法及如真際常住非佛  
所作亦非羅漢辟支佛所可作菩薩知是已  
終不復離般若波羅蜜何以故般若波羅蜜  
空寂故亦不增亦不減須菩提白佛云世尊



若般若波羅蜜自空寂者云何菩薩真般若

波羅蜜等成阿惟三佛佛言菩薩亦不與般

若波羅蜜等亦不增亦不減真際亦不增亦

不減法性亦不增不減何以故般若波羅蜜

亦非一亦非二若菩薩聞是不怖不難亦不

恐畏當知是菩薩已住於阿惟越致地行般

重知是菩薩已住於阿惟越致地行般

若波羅蜜須菩提白佛言云何世尊念般若

波羅蜜空念般若波羅蜜無所有為行般若

波羅蜜耶佛言不也須菩提言世尊頗有離

般若波羅蜜行般若波羅蜜者不佛言不也

須菩提言世尊般若波羅蜜行般若波羅蜜

不佛言不也須菩提言世尊空可行空亦佛

言不也。須菩提言世尊五陰行般若波羅蜜  
不佛言不也。須菩提言世尊六波羅蜜行般  
若波羅蜜不佛言不也。須菩提言世尊乃至  
四無礙慧行般若波羅蜜不佛言不也。須菩  
提言世尊五陰之空如及尔法法性四無礙  
慧空行般若波羅蜜不佛言不也。須菩提言  
世尊是諸法不行般若波羅蜜耶。若不行是  
法菩薩云何行般若波羅蜜。佛言於須菩提  
意云何。頗見有法行般若波羅蜜者不。須菩  
提言不見也。世尊頗見般若波羅蜜菩薩有  
可行者不。須菩提言不見也。世尊於須菩提  
意云何。汝所不見法為可得不。不也。世尊佛



言不可得法為有生滅不不也世尊佛告須

菩提如菩薩無所從生法忍阿耨多羅三耶

三菩提亦復如是若菩薩學录用如來四無

所畏四無礙慧習行是法終不離阿耨多羅

三耶三菩提惠薩云然慧摩訶衍慧何以故菩

薩摩訶薩得魚所從生法忍至成阿耨多羅

重放先般若波羅蜜經

三耶三菩提終不耗減須菩提白佛言世尊從

諸法無所生中授諸菩薩阿耨多羅三耶三

菩提耶佛言不也須菩提言世尊從所生

法中授諸菩薩耶佛言不也須菩提言亦

不從無所從生法授菩薩亦不從有所生

中授菩薩耶如是云何授諸菩薩阿耨多羅



三耶三菩記。劫佛告。須菩提。頗見法受阿耨  
多羅三耶三菩記。劫者不須菩提言。世尊。我  
亦不見法有授記。劫者我亦不見得阿耨多  
羅三耶三菩。亦不見當得者。亦不見已得者。  
佛言。如是如是。須菩提。摩訶薩於諸法  
無所得。菩薩亦不念言。有阿惟三佛。亦不念  
言。我當得阿惟三佛。何以故。菩薩行般若波  
羅蜜於諸法無所分別。般若波羅蜜亦無所  
分別。故

放光般若波羅蜜經卷第二十

重

羸劣

垂上力及捶杖上之委也

刀矛

下莫侯及一婢戰也或係鉞

妖一下夷調戲上徒吊薜荔上蒲閑反同前蠕動

上音更能動細溝坑上右反荆棘上音京下將

師上去聲下頑很上五還反下胡懇反踏音

也踏也起上音和提光佛鎧杖上口改反又

也怨敵上音寬下輕篋下莫雜糅下尼歎許

及卒起重放先般結波羅蜜經伏伏六



